

# 桐城吳先生集

7



廣陵書社

桐城吳先生集

7

 廣陵書社

第七册

桐城吳先生全書 尺牘 (二) 五卷 補遺一卷 諭兒書一卷 民國十七年 家刻本：一

桐城吳先生全書

尺

牘

(二)

五卷 補遺一卷 諭兒書一卷

民國十七年  
家刻本



與陳兩樵

庚子八月一日

尺牘第三

兩宮蒙塵榮崇二公在保定京師無人與敵議和但遠恃傳相恐誤大事傳相年老幕內有西人部下無兵陸行甚難若海行則此時西船不肖運送彼自避求和之嫌也我船又不能行蓋非和議組成西船決不載傳相北來此時求和必有反者拔舍肉袒牽羊之概親赴敵軍自服前過乃能動敵情而挽奇禍若京師無人與議徒有一老翁安坐上海電告各國政府彼直一笑置之何能濟事大計宜速定愚意以為宜請榮相慶邸等轉

求援手於赫總稅司請其設法挽救一面託赫轉商西  
使准令招商船隻護送傳相北來以便主持和議如此  
似尚有一綫望轉若各紛紛散走無人與客一言不但  
釀成瓜分且恐彼族安頓就緒便復搽剿敗將以宋帥  
在省遂有保定一行則直隸全省震動矣以上各節如  
尊意以為不謬似可擇其最要者為護院一陳之此時  
存亡呼吸機括甚微不宜安坐孰視杞憂如此不惜時  
示一二為荷

答王子翔

八月十八日

男閩生謹案時亂方亟冀州  
牧藉口辦防欲壞書院成本紳士不能抗故

作此函  
教之

差回接手示并柯趙各函又得二張來函具悉一一州  
中乍陰乍陽二張劉馬問計於我而自明主見不欲顯  
與為難以為善後之計吾謂不與為難則書院存本不  
盡不止決無善後之法欲求善後非大眾同聲抗拒不  
可二張口訥如彼言各縣皆動書院之款豈能專預州  
事二張似已無詞不知各縣書院不如州書院獲效之  
大州所議請各縣之紳在本縣不皆筦書院故縣事尚  
可坐視而州書院則責無旁貸又五屬考書院者身受



州書院之益視州書院過其本縣書院遠甚今但聞衡  
水妄動他處未動也且州城辦防而動用五縣公款太  
失衆望但使國事不壞書院萬無可減書院不減則提  
去如此之多明年用款於何取償與其事後設法彌補  
何如目前設法辦防若彌補係屬空言則是書院立廢  
當時州縣各議筦理之紳正為彼此牽制五縣紳士今  
日衆口不允即州紳不能擅行提動雖州中嚴辦吾二  
人坐以把持公事罪名此款仍不能提動若如此立言  
彼亦何以折我今雖許以千串五百金遲日又將再提

幾如是為而不立盡前次邀請諸紳不到係屬作字奉  
邀今若欲令大眾同到應由張楚航馬璽卿二人同坐  
一車家家到門與之面約定準期日同到州中會議不  
許爽約不到其來往盤費車力一切由書院開支彼既  
不費錢文又迫於張馬親來約會之情面執難推脫大  
家同到必辦理有眉目再行散歸否則聚而不散其聚  
會火食亦由書院開支與其任人提用不如紳士自用  
也總之書院若仍保全不可不大眾同力若竟不保全  
公等豈無愛惜此書院之片念乎吾謂不但成本不可

再提并請早將山長留定庶大局不致糜爛若果有桑  
海大變書院竟歸敵人則無可如何若中國尚存書院  
仍不可無山長也松坡雖有目疾士子自為得師若松  
坡辭去他人雖有目恐於士子無益近來失業者多松  
坡一辭彼等必皆鑽謀而至如是則雖能保全仍與提  
用無異此尤不可不知諸公幸勿游移留此書院留定  
賀山長地方必多得讀書有識之人則州為望州若學  
廢師去則冀州仍還舊日樸陋故態豈不可惜若後日  
再遇一愚拙任事之吳擊甫恐急切不易再得是此次

一壞難望復振所關於地方興壞非小故也公等所畏  
謂州縣權重耳賀墨儕前與吾書謂亂世紳權不減於  
官此豪傑之見若和議速定傅相早來則州中所欠之  
數必可令其如數償補如傅相不來為總督則州官亦  
恐無處為官矣又何權執之足云故目前官民相接仍  
止理之一字可以相維舍理而論執殊不足以控搏也  
又如州中所募勇計不過八十名兩月以來約用一千  
餘串足矣何以已提六千尚急急續提此帳亦可與一  
算若不求搏節而任意揮霍此等窮地何法供之鑄礮

殊可不必土匪不須用礮洋人則非土礮能防皆可告  
之不具

答賀墨儕同

省中得劉峴帥初四來電頗驚惶茲將劉電寄閱閱後  
可轉寄冀州吾疑所言未必確實若果各國調兵自為  
瓜分起見峴謂德攻山東所見甚淺欲向護院窺探  
聖意尤為隔闕但京陷多時舉國無謀傅相請慶榮張  
劉會辦昨聞有旨令榮剛二相會同議款用剛似尚  
是端邸主見不知彼此牽制萬無成議之一日此尚是

吾國內情若問敵情則我到國破 君出尚無低首下  
心之一語彼豈遽肯俯就是我迫之為瓜分之局也吾  
前函告院幕謂傅相一時不能北來此間應奏請慶邸  
榮相入都求成一面肉袒牽羊犒勞諸國軍士一面轉  
求赫德代為轉圜不可專恃傅相院幕復書謂護院小  
事尚無主見此等大議豈肯聽從况與幕客甚疏無可  
轉達遂作罷論今若各國紛紛調兵似已有成竹而傅  
相尚呆守各國政府回信是守株待兔之說也愚見大  
局甚危深州志草草補完便思南去雖道路難行恐愈

遲愈險殆非長策老第為我決之冀州專差已還昨聞  
護院今直省州縣每處自練一營則練勇提款自是憲  
意所深許備六儒珍若上控必遭斥駁一發不中州中  
必又鴟張吾欲令紳士考生仍持定見與抗不問大憲  
何如但諸紳一氣必期得手此事吾輩經始之人不欲  
目覩其壞尚是第二義獨冀州書院為外府州第一書  
院成本一失豈可再還此實一方大局所係鄙意尤為  
注重亦知冀紳之不足有為要不敢坐視成敗尊見如  
何望專差告我不具

與冀紳八月十九日

書院成本前經提用六千串昨接楚雪來函又擬給二千串銀五百兩官不肖歇手紳不肖駁回眼見書院掃地以盡鄙人從旁傷心今幸李傅相於廿一日啟程來直將來已提之數亮可由官及經手之紳照數攤還惟現允之銀五百錢二千串如尚未繳應請扣留勿發如已呈繳必應請其指定何款償還否則恐不能脫然無累此事專望諸公同心僂力為我保全幸甚幸甚

答賀墨儕同



傅相已北來僕擬將志稿愬愬定正便當赴京撰候以  
傅相曾電詢下走私情不容已若銳身入局則吾不肖  
吾甯曳尾泥中耳

與陳雨樵

八月廿日

傅相計已至津接篆後當即入都議款傳聞西人已列  
有數條皆難著筆第擬俟道路稍平即北去一謁傅相  
此是私情若今日大議非草野所能妄參叟公所望於  
下走者往年傅相曾面言之辭甚苦懇而吾駕已不可  
回今老矣國又顛危豈敢更入甕耶近日情勢如何希